



Broj: 13-11-4-5384/23

Datum: 23. 08. 2023. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj 39/14, 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka) i člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), a na prijedlog Komisije za javnu nabavku roba, radova i usluga, Općinski načelnik d o n o s i

## ODLUKU o poništenju postupka javne nabavke

### I

Poništava se postupak javne nabavke „Nabavka opreme za obrazovne ustanove na području Općine Novo Sarajevo“.

### II

Za izvršenje ove Odluke zadužuje se Služba za zajedničke poslove.

### III

Odluka o poništenju postupka javne nabavke objavit će se na web stranici [www.novosarajevo.ba](http://www.novosarajevo.ba), u skladu sa članom 70. stav (6) i članom 71. Zakona o javnim nabavkama Bosne i Hercegovine.

## Obrazloženje

Postupak javne nabavke proveden je putem konkurentskog zahtjeva za dostavu ponuda, a pokrenut je na osnovu Odluke Općinskog načelnika broj: 13-11-4-5384/23 od 11.07.2023. godine

Procijenjena vrijednost javne nabavke sa PDV-om je: 40.000,00 KM (slovima: četrdesethiljada i 00/100 konvertibilnihmaraka).

Obavještenje o javnoj nabavci broj 935-7-1-140-3-192/23 od 24.07.2023. godine u 11<sup>54</sup> sati poslano je na objavu na Portal javnih nabavki, te ispravka za obavještenje o nabavci broj 935-7-1-140-8-195/23 od 02.08.2023. godine u 14<sup>43</sup> sati poslano je na objavu na Portal javnih nabavki.

Komisija za javne nabavke roba, radova i usluga je imenovana Odlukom Općinskog načelnika o pokretanju postupka javne nabavke broj: 13-11-4-5384/23 od 11.07.2023. godine.

Iz Zapisnika o otvaranju ponuda i Zapisnika o pregledu i ocjeni ponuda Komisije za javne nabavke roba, radova i usluga je vidljivo da je dana 18.08.2023. godine pristigla ponude slijedećeg ponuđača:

Red. broj	Naziv i sjedište ponuđača	Ukupna ponudena cijena bez PDV-a
1.	DŽAJKIĆ d.o.o. Široki Brijeg	39.780,00 KM

Iz Zapisnika o pregledu i ocjeni ponuda vidljivo je da se Komisija za javne nabavke roba, radova i usluga sastala dana 18.08.2023. godine u 16.15 sati i konstatovala da je ponuda ponuđača DŽAJKIĆ d.o.o. Široki Brijeg neprihvatljiva i nepotpuna, iz sljedećih razloga:

- Ponuđač nije ispravno numerisao stranice ponude. Ponuđač je bio dužan numerisati svaku stranicu ponude na način da je obezbijeden kontinuitet numerisanja, u skladu sa tačkom 8.1.9. tenderske dokumentacije.

- Ponuđač nije na zahtjevan način popunio Aneks 3 (Obrazac za cijenu ponude), tj. izostavio je da ponudi jediničnu i ukupnu cijenu za stavke 2.1., 2.2., 2.3., 2.4., 3. obrasca za cijenu ponude. U tenderskoj dokumentaciji je definisano da je ponuđač obavezan popuniti kompletan Obrazac za cijenu ponude, prema utvrđenoj šemi. U slučaju da ponuđač ne popuni kompletan obrazac, ponuda će biti odbačena kao nepravilna.
- Ponuđač nije potpisao Nacrt ugovora. Tačkom 9.7.2. tenderske dokumentacije i napomenom u sadržaju dokumenata koje mora sadržavati ponuda definisana je obaveza potpisivanja Nacrta ugovora od strane ponuđača.
- Ponuđač nije dostavio ispravnu potvrdu o realizaciju ugovora, a koja je sačinjena na način propisan tačkom 7.4.1. tenderske dokumentacije. U napomeni tačke 7.4.1. tenderske dokumentacije navedeno je sljedeće „Potvrda o izvršenom ugovoru koju izdaje krajnji korisnik obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, te navode o uredno izvršenim ugovorima.“. Potvrda koju je dostavio ponuđač nije izdata od strane krajnjeg korisnika, te ne sadrži vrijeme i mjesto izvršenja ugovora.

Iz naprijed navedenih razloga, ponuda ponuđača DŽAJKIĆ d.o.o. Široki Brijeg se nije mogla uzeti u dalje razmatranje.

Komisija za javne nabavke roba, radova i usluga je jednoglasno predložila Općinskom načelniku da u skladu sa odredbama člana 69. stav (2) tačka d) Zakona o javnim nabavkama donese Odluku o poništenju postupka javne nabavke, jer nijedna od primljenih ponuda nije prihvatljiva;

U postupku ocjene provedenog postupka Općinski načelnik nije našao razloge, nepravilnosti, niti propuste u radu, koji bi eventualno bili osnov za neprihvatanje prijedloga Komisija za javne nabavke roba, radova i usluga. Naime, u postupku je ocijenjeno da je Komisija u svemu pravilno postupila, te da je Odluka o poništenju postupka javne nabavke donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od **5 (pet) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.



DOSTAVITI:

- a/a
- DŽAJKIĆ d.o.o. Široki Brijeg

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba  
 Identifikacioni broj: 4200558710008 PDV broj: 200558710008 Porezni broj: 0170333000  
 Depozitni račun 1411965320011288 Bosna Bank International d.d.

